


第 二 種

醫 事 啓 源

第二種醫事啟源提要

提

要



醫事啓源一卷日本今邨亮先生著爲清名醫
葉子雨先生錄存裘君吉生向其哲嗣仲經君
於數年前出價購得經無錫周君小農校評其
時日本正西醫盛行之始著者慮學漢醫者喜
新厭故舍己從人乃提取西醫治法爲漢醫所
固有者如解渴潤劑等事凡二十篇歷徵古書
博而能確現在我國醫家急當借鏡庶不致見
異思遷略知西醫皮毛卽自信爲已具萬能也

醫事啟源序

醫事啟源一卷日本今邨亮著亮雅精漢醫所著另有傷寒論私考八卷金匱
離題三卷溫疫論訂正二卷醫殼二卷腳氣鈎要二卷醫案類編八卷藥能考
四卷暴瀉方論一卷醫事問答一卷種痘問答一卷杏林餘興及續杏林餘興
各一冊此書因西醫盛行之始慮學漢醫者喜新厭故舍己從人乃撮取西醫
治法爲漢醫所固有者如解剖瀉劑等事凡二十篇歷徵古書博而能確示漢
醫無所不備其用心深矣卷首有若山拯叙題文久二年壬戌（同治元年）春
正月末有亮子芳跋題文久二年春二月則此書當作於文久元年考日本各
種西學多由和蘭人輸入醫亦然其享保（康熙五十五年即享保元年）已前
惟與我及和蘭互市（享保前一年即正德五年有滅清蘭互市船數之文）日
本史稱延享元年甲子（乾隆九年）青本文藏始講蘭書寶曆四年甲戌（乾

隆十九年）山脇東洋著臟志明和二年乙酉（乾隆三十年）多喜安元建醫學館安永三年甲午（乾隆三十九年）前野杉田譯蘭方醫書而解體新書亦於是年刻成天明三年癸卯（乾隆四十八年）蘭學階梯成是年大槻立澤述蘭文讀法寬政三年辛亥（乾隆五十六年）幕府政學制仍建醫學館五年癸丑建和學所文化八年辛未（嘉慶十六年）幕府設和蘭翻譯局文政九年丙戌（道光六年）蘭醫多來江戶嘉永二年己酉（道光二十九年）幕府禁蘭醫方至安政五年戊午（咸豐八年）停禁而其勢遂不可遏矣文久元年建西洋醫學所蓋即亮著此書之年書中自云嘉永二年蘭船始齎牛痘苗來長崎云云併可證日本之於西醫術得自蘭人無疑而亮之發憤著書亦可知矣顧自亮著書之日迄今始五十餘年耳聞日本官私醫者已無一漢醫存矣今我國之醫術亦猶五十年前日本之於和蘭也讀此書者能不有感於斯文

(評)首序不知何許人撰於著者所有著述論列甚詳並歷舉彼國西醫發軔之始亦屬繙譯我國自丁氏譯西醫書挾摘微疵教育家引之專攻西術取締中醫報社於已未有中醫僅五十年之壽命書吾友王蘭遠君於錫報見之今見此序結句云云同志閱之應如何發憤惕厲耶國病不治外人乃謀代治廢中之聲浪未已而法國有專譯中醫書者願吾社長擇尤郵贈長吾國脈

醫事啟源序

四

三 三 醫 報

本報係由紹興醫藥學報月刊一百四十一期
星刊一百五十八期後併改旬刊每逢陽歷初
三十三三十三出版夏歷七月停刊每年共出
三十三期定價每年三元郵費每冊五厘發行
處遷設浙江杭州四牌樓三十九號凡從前刊
印各書及近三年之月星各報一律照舊發行

醫事啓源叙

蠶之吐絲王雉之醜魚飲物之智亦有過人者洋夷之性專一而纖巧故其所謂窮理之說及百般器械之制奧妙精微始奪化工至醫治之術亦然然而學洋醫者不知其本之皆出於漢土往往非蛙自誇以爲他所弗有也不庶於遼豕之見乎特漢人才蘊大能創之而不能精焉爲可憾耳了菴今邇君遠於醫者也於古今方書無所不讀邇者抄錄洋醫諸術出漢籍者若干條論其梗概以示其利名曰醫事啓源蓋欲俾學者知其所本精之而又精以籍洋醫之口解時俗之惑也其志可謂切矣夫我邦之於漢土壤地連接風氣相通政體習俗以至飲食嗜好皆小異而大同則漢方之宜邦人亦可推矣况慣熟二千年之久者乎雖然今之學漢方者大率皆拘牽常格不能有所發明所謂依樣畫葫蘆彼術之出於己者且不省知俾紅髮異類成豎子名此則獨何歟讀是書

醫事啟源叙

者可以愕然而寤矣

文久二年壬戌春正月

巖邑若山拯叙

高橋豐珪書

三三醫書第一集總目

- | | | | | | | | | | | |
|--------|-------|-------|----------|------|------|------|------|------|------|------|
| 11 | 10 | 9 | 8 | 7 | 6 | 5 | 4 | 3 | 2 | 1 |
| 外科方外奇方 | 毆蠱燃犀錄 | 村居救急方 | 訂重時行伏陰芻言 | 癰科全書 | 喉科秘訣 | 醫階辯正 | 醫病簡要 | 醫經秘旨 | 醫事啟源 | 溫熱逢源 |

- | | | | | | | | | | | |
|--------|----------|------|-------|------|------|--------|--------|-------|-------|------|
| 22 | 21 | 20 | 19 | 18 | 17 | 16 | 15 | 14 | 13 | 12 |
| 專治癰痧初編 | 新刊診脈三十二辯 | 內經辯言 | 舊德堂醫案 | 推篷寤語 | 凌臨靈方 | 重訂靈蘭要覽 | 重訂痧疫指迷 | 沈氏經驗方 | 臨症驗舌法 | 效論經旨 |

- | | | | | | | | | | | |
|------|---------|-------|-------|----|--------|------|----------|------|------|--------|
| 33 | 32 | 31 | 30 | 29 | 28 | 27 | 26 | 25 | 24 | 23 |
| 南病別鑑 | 曹仁伯先生醫案 | 本事方續集 | 馬培之醫案 | 醫源 | 宋本備急灸法 | 秋瘧指南 | 蘇州陳氏幼科秘訣 | 先哲醫話 | 本草衍旨 | 評註外科心法 |

1082592



醫事啟源目錄

解剖

瀉劑

熨法

灌水

腳湯

酒劑

製鍊

蒙汗

起泡

唧筒

醫事啟源目錄

導尿

塗藥

芥子膏

噎藥

顛桐

箛鍼

角法

蜈鍼

刺絡

引痘

醫事啓源

日本上毛今邨亮祇卿著

漢土醫術精覈詳密超絕諸蕃至於外治則蕃亦不無可取但其所用之方漢既皆有從來漢醫或用焉或否焉從人人所見而至其法制載籍歷然悉可檢按彼徒未曾覩漢籍自誇開創固無足咎乃醫不學者從而利之遂使世人言醫精細窮理新奇取功非漢學所企及也可甚笑矣抑內景之說出於素靈導尿之術創於千金斑蝥起泡螞蜥唾血等醫唐方書屢稱其功今舉數條以授生徒願徵引率略置一漏百庶博雅之士觸類纂集非固與彼抗特示漢無不備耳是書脫稿會聞栲窗喜多村先生既有著辨之恨予未及鑒知不免遑豕之譏焉

醫事啓源



維錫周 鎮小農評閱
紹興裘慶元吉生校刊

醫書第一集第二種

解剖

靈樞經水篇曰夫八尺之士皮肉在此外可度量切循而得之其死可解剖而視之其藏之堅脆府之大小穀之多少脈之長短血之清濁氣之多少十二經之多血少氣與少血多氣與其皆多血氣與其皆少血氣皆有大數解剖之言始見於此漢書王莽傳莽誅翟義之黨使太醫尙方與巧屠共剝之度量五藏以竹筵導其脈知所終始云可以治病文獻通考載五藏存真圖趙與時賓退錄云廣西戮歐希範及其黨凡二日割五十有六腹宜州推官靈簡皆詳視之爲圖以傳於世晁公武郡齋讀書志載存真圖一卷崇甯間泗洲刑賊於市郡守李夷行遣醫並畫工往視決膜摘膏肓曲折圖之盡得纖悉今校以古書無少異者張杲醫說云無爲軍張濟善用鍼得訣於異人能親解人而視其經絡則無不精因歲饑疫人相食凡視一百七十人以行鍼無不立驗赤水玄珠

載何一陽說云余先年精力時以醫從師征南歷剖賊腹考驗藏府心大長於
豕心而頂平不尖大小腸與豕無異惟小腸上多紅花紋膀胱是真脬之室餘
皆如難經所云無所謂脂膜如手掌大者漢土辨藏府經絡取之實驗如此本
邦平安山脇氏請官始有觀藏之舉著藏志嗣後三谷氏橘氏杉田氏解視
皆有圖說宜就其本書見其詳

按古書有醫經之學有經方之學醫經論藏府經絡人所以成形體如素問
靈樞是也經方者辨吐下溫涼主在施治如傷寒金匱是也主在施治者隨
證立論故其如藏府則曰心曰胃曰膀胱曰血室耳非故省略言有所主也
然從事經方者不精醫經從事醫經者多疏經方自昔而然要之醫經則論
常經方則說變是所以岐而爲二也惟夫上古神聖闡造化之秘究人身之
理辨藏府經絡所在審其官能機關以爲養生治病之標準其玄妙至精非

所測焉余往年解刑屍檢視內景與古書所說如合符節當時有所私記贅
附於此以爲蒙學之一助肺者位諸藏之上充胸肋之中上連喉嚨下蓋心
分左右爲二大葉其色青縹帶微紅其官主呼吸以管吹氣道則兩肺皆怒
張鮮澤似蟬翼九鍼篇曰肺者五藏六府之蓋也病能篇曰肺者爲心之蓋
心者在胸膛之上兩乳之間麗肺葉之中其色鮮赤形如萐莆之倒掛上圓
下尖左右有二室其一名經脈自心之左而出蓋送血之官其一名絡脈納
血於心之右蓋收血之官一往一復流動周身機發幹旋莫有間斷是爲主
貴之地九鍼篇曰心主脈津液別論曰五藏六府心爲之主邪客篇曰心者
五臟六府之大主也精神之所舍也其藏堅固邪不能容容之則心傷心傷
則神去神去則死心尾動而應乳下虛里是也平人氣象論曰左乳之下其
動應手宗氣泄也脾者其色紫赤其形如牛舌其質如肉位左脇下在胃背

側其官造膽汁出津液消磨飲食化熱水穀太陰陽明篇曰脾與胃以膜相連厥論曰脾主爲胃行其津液肝者其色赤褐在腹右季脇之下擁護絡脈抱持膽囊傍胃側嚮心下其形大其氣臊臭其質尤重其官納血於心又製膽汁調經論曰肝藏血金匱真言論曰肝其味酸痿論曰肝主身之筋膜膽者其色青白橢而如卵在肝內其官盛苦汁化水穀四時氣篇曰膽液泄則口苦天年篇曰五十歲肝葉始薄膽汁始減胃者其色薄黃在膈膜之下肝脾之間位腹之中央其形圓而長於左方其中空虛如大囊上連食道下接小腸其官容受水穀主磨盪輸之小腸腸胃篇曰胃紆曲屈伸平人絕穀篇曰胃橫屈受水穀五藏別論曰胃者水穀之海六府之大源也腎者其色紫黯有兩枚位五藏之下六府之後其官主泌別水血痿論謂之水藏上古天真論曰腎主水其下有小腎二曰命門（案與素問所謂命門異）三十六難

曰命門者男子以藏精女子以繫胞膀胱其色黯黃位少腹之下在橫骨之上直腸之前其狀如倒壺蘆上腹圓大下頸窄小其官瀦水下連尿道小腸其色淺黃其形如管膜包其外以曲尺計之長二丈許比之大腸其形差細其質薄名曰薄腸其上口屈曲而連胃下口自在右嚮左脇迂迴臍上屈曲少腹腸胃篇曰小腸回連還反十六曲大腸其形如竹根長僅五尺許比之小腸差大其質堅厚故曰厚腸小腸盤踞於內大腸環曲於外其狀爲大腸纏小腸其官共主化精微輸之膜外泌糟粕導之肛門本輸篇曰大腸屬上小腸屬下三焦者內經詳其名狀而難經言無形後人疑之紛紛不決然難經問難疑義之書有與素問往往不相合者徐遁陳無擇張季明張介賓之徒皆以爲有形近於是矣今驗之實物上焦者審所謂奇縷管是也中焦者大機里爾是也下焦者奇縷科口是也其官轉化飲食造釀氣血非六腑之

數而何也五藏別論曰胃大腸小腸三焦膀胱此五者名曰傳化之府上焦連脾藏在胃後歷橫膜緣脊膈上行胸中會左肩下而入絡脈營衛生會篇曰上焦出於胃上口並咽以上貫膈而布胸中又曰中焦亦並胃中而出上焦之後此所受氣者泌糟粕蒸津液化其精微上注於肺脈化而爲血故曰營血之府下焦者別迴腸注於膀胱而滲入故水穀常並居胃中成糟粕而俱下於大腸而成下焦其官主決瀆其名雖有三等所以致其功績卽一也此其大較見於經文而歷可徵者素難古書也且詞致簡遠非深於醫者不易遽曉苟能熟讀之則足以觀醫經之一斑矣夫精神之運氣血之行係天機之呼吸而至其所以然則所謂有真宰存焉自然之大數非人力可得而量知也乃聖人且就其可知者立名數曰精神曰魂魄曰藏府曰經絡曰氣血曰津液諄諄說示令人知處活物之理其精密非後醫所能及也今探死